

TARIKH	29 / 6 / 2012	SEKSYEN	Nasional
MUKA SURAT	25	RUANGAN	Dlm Negeri

## 7 juta pendeposit terima manfaat

KUALA LUMPUR 28 Jun - Penglibatan Lembaga Tabung Haji (Tabung Haji) dalam industri minyak dan gas sejak 2008 dijangka mampu menjana pulangan maksimum serta memberi lebih banyak manfaat kepada tujuh juta pendepositnya.



Menteri di Jabatan Perdana Menteri, Datuk Seri Jamil Khir Baharom berkata, Tabung Haji telah memilih Ramunia Holdings Berhad untuk menceluri industri itu dengan jumlah pelaburan sekitar RM300 juta yang melibatkan pegangan saham sebanyak 25.17 peratus.

"Ini menjadikan Tabung Haji sebagai pemegang saham terbesar dalam syarikat ini dan seterusnya menunjukkan komitmen dalam pelaburan strategik ini.

"Saya yakin pelaburan dalam industri ini akan dapat memenuhi matlamat dan objektif penubuhan Tabung Haji sebagai tunggak kejayaan ekonomi ummah serta pengurusan haji terbilang," katanya pada majlis penjenamaan semula Ramunia Holdings Berhad di sini hari ini.

Pada majlis tersebut, Ramunia Holdings Berhad secara rasminya mengumumkan pernukaran nama kepada TH Heavy Engineering Berhad (THHE).